



PACIFIC & ORIENT INSURANCE CO. BERHAD

No. Pendaftaran 197201000959 (12557-W)

Ahli Kumpulan Pacific & Orient

Tingkat 11, Wisma Bumi Raya, No. 10, Jalan Raja Laut, 50350 Kuala Lumpur.

P. O. Box 10953, 50730 Kuala Lumpur. Laman : www.poi2u.com

Telefon: 03-2698 5033 Faks: 03-2693 8145 Talian Bebas Tol: 1 800 88 2121

SST Registration No./ No. CP - W10-1808-31021805

LEMBARAN PENDEDAHAN PRODUK

(Baca Lembaran Pendedahan Produk ini sebelum anda membuat keputusan untuk mengambil Polisi Pampasan Pekerja. Pastikan anda juga telah membaca terma dan syarat am.)

Polisi Insurans Pampasan Pekerja

Tarikh:

1. Apakah produk ini?

Polisi ini menyediakan indemniti kepada Pihak Yang Diinsuranskan terhadap sebarang pampasan yang kena dibayar di bawah Akta Pampasan Perkerja Malaysia untuk kecederaan peribadi yang dialami oleh kakitangan yang berpunca daripada kemalangan atau penyakit yang timbul daripada dan berlaku semasa kakitangan bertugas dengan Pihak Yang Diinsuranskan.

2. Apakah perlindungan / manfaat yang disediakan?

Polisi ini meliputi:

- Pampasan yang kena dibayar oleh Pihak Yang Diinsuranskan di bawah Akta Pampasan Pekerja Malaysia untuk kecederaan peribadi yang dialami oleh kakitangan yang berpunca daripada kemalangan atau penyakit yang timbul daripada dan berlaku semasa kakitangan bertugas menjalankan urusan perniagaan Pihak Yang Diinsuranskan; dan
- Segala kos dan perbelajaan yang ditanggung dengan kebenaran Pihak Yang Diinsuranskan dalam pembelaan terhadap sebarang tuntutan pampasan dan sedemikian.

Manfaat yang disediakan dibawah polisi ini adalah seperti berikut:

- Polisi ini akan dilanjutkan untuk melindungi kakitangan yang berdaftar dengan dan mencarum kepada Skim Keselamatan Social Pekerja (PERKESO) di bawah Akta Keselamatan Social Pekerja 1969. Syarikat insurans bersetuju untuk membayar pampasan kepada kakitangan Pihak Yang Diinsuranskan untuk jumlah yang perlu dibayar oleh pemegang insurans dalam bentuk pampasan dibawah Ordinan Pampasan Pekerja 1952;
- Had pampasan ke atas liabiliti Pihak Yang Diinsuranskan di bawah Undang-Undang Am dihadkan kepada Satu Juta Ringgit Malaysia (RM1,000,000) sahaja bagi setiap satu kemalangan dan secara keseluruhan sepanjang tempoh insurans ini; dan
- Polisi ini dilanjutkan untuk meliputi tanggungan Pihak Yang Diinsuranskan seperti yang ditakrifkan di dalam ini bagi kemalangan ke atas pekerja yang ditugaskan sementara di luar negara, dengan syarat bahawa sebarang tuntutan pampasan atau faedah yang timbul daripadanya mesti mematuhi dan dalam bidang kuasa Undang-Undang Berkanun Malaysia atau Singapura atau Brunei.

Tempoh perlindungan adalah selama satu tahun. Anda perlu memperbaharui perlindungan insurans setiap tahun.

3. Berapa banyak premium yang saya perlu bayar?

Jumlah premium yang anda perlu bayar mungkin berbeza bergantung kepada jumlah upah, gaji dan pendapatan lain tahunan yang dibayar oleh Pihak Yang Diinsuranskan kepada pekerja dan keperluan pengunderaitan syarikat insurans.

4. Apakah yuran dan caj yang saya perlu bayar?

Jenis	Jumlah
▪ Komisen yang dibayar kepada ejen insurans	▪ 25% daripada premium
▪ Duti setem	▪ RM10
▪ Cukai Perkhidmatan (CP)	▪ 6% daripada premium

5. Apakah terma-terma dan syarat-syarat yang saya harus ketahui?

- Kewajipan Pendedahan:
 - a) Kontrak Insurans Pengguna
 - Menurut Perenggan 5 daripada Jadual 9 Akta Perkhidmatan Kewangan 2013, jika anda memohon insurans ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah yang munasabah untuk tidak salah nyata dalam menjawab soalan-soalan di dalam Borang Cadangan (atau semasa memohon insurans ini). Anda dikehendaki menjawab soalan-soalan dalam Borang Cadangan ini dengan lengkap dan tepat.
 - Kegagalan untuk mengambil langkah yang munasabah dalam menjawab soalan-soalan, mungkin mengakibatkan pembatalan kontrak insurans anda, keengganan atau pengurangan gantirugi, perubahan terma atau penamatan kontrak insurans anda.
 - Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
 - Sebagai tambahan kepada soalan-soalan di dalam Borang Cadangan (atau semasa memohon insurans ini), anda dikehendaki untuk mendedahkan apa-apa perkara lain yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan.
 - Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.
 - b) Kontrak Insurans Komersial
 - Menurut Perenggan 4(1) Jadual 9 Akta Perkhidmatan Kewangan 2013, jika anda memohon insurans ini untuk tujuan yang berkaitan dengan perdagangan, perniagaan atau profesion anda, anda berkewajipan untuk mendedahkan apa-apa perkara yang anda tahu akan mempengaruhi keputusan kami dalam menerima risiko dan menentukan kadar dan terma yang dikenakan, dan apa-apa perkara yang munasabah yang boleh dijangka, jika tidak ia boleh menyebabkan pembatalan kontrak insurans, keengganan atau pengurangan ganti rugi, perubahan terma atau penamatan kontrak insurans anda.
 - Kewajipan pendedahan diatas hendaklah diteruskan sehingga kontrak insurans anda dimeterai, diubah atau diperbaharui dengan kami.
 - Anda juga mempunyai kewajipan untuk memberitahu kami dengan serta-merta jika pada bila-bila masa selepas kontrak insurans anda ditandatangani, diubah atau diperbaharui dengan kami (atau semasa permohonan insurans ini), apa-apa maklumat yang dinyatakan dalam Borang Cadangan tidak tepat atau sudah berubah.
- Anda mesti memastikan borang cadangan dilengkapkan dengan tepat kerana ia merupakan asas kontrak insurans.
- Anda harus merekod nama setiap pekerja, bersama-sama dengan jumlah gaji, upah dan pendapatan lain.
- Premium yang anda perlu bayar mesti dibayar dan diterima oleh kami dalam tempoh 60 hari dari tarikh berkuatkuasanya polisi. Sekiranya syarat ini tidak dipatuhi maka kontrak ini akan dibatal secara automatik dan kami berhak mengenakan bayaran premium secara pro rata bagi tempoh kami menanggung risiko.
- Jika berlaku sebarang peristiwa yang menimbulkan tuntutan di bawah polisi ini, anda dikehendaki dengan secepat mungkin dalam tempoh 14 hari memberi notis kepada kami dengan maklumat lengkap.
- Anda mesti mematuhi dan memenuhi peruntukan-peruntukan, syarat-syarat, fasal dan pengendorsan polisi.

Nota: Senarai ini tidak lengkap. Sila rujuk kepada kontrak polisi untuk senarai penuh terma dan syarat di bawah polisi ini.

6. Apakah pengecualian utama di bawah polisi ini?

Polisi ini tidak melindungi sesetengah kerugian, seperti:

- Sebarang kecederaan akibat kemalangan atau penyakit yang secara langsung disebabkan oleh peperangan, serangan, pertempuran dengan musuh negara asing (sama ada peperangan diisytiharkan atau tidak) perang saudara, dahagi, penderhakan, pemberontakan, revolusi, pemerintahan tentera atau rampasan kuasa;
- Tanggungan Pihak Yang Diinsuranskan terhadap kakitangan kontraktor Pihak Yang Diinsuranskan;
- Mana-mana kakitangan yang tidak dianggap sebagai 'pekerja' di bawah Undang-Undang;
- Sebarang tanggungan Pihak Yang Diinsuranskan yang berbangkit berdasarkan satu perjanjian yang mana tanggungan tersebut tidak akan berbangkit tanpa perjanjian tersebut; dan
- Sebarang jumlah yang sepatutnya berhak diperolehi semula oleh Pihak Yang Diinsuranskan daripada mana-mana pihak sekiranya tidak ada perjanjian antara Pihak Yang Diinsuranskan dan pihak tersebut.

Nota: Senarai ini tidak lengkap. Sila rujuk kepada kontrak polisi untuk senarai penuh pengecualian di bawah polisi ini.

7. Bolehkah saya membatalkan polisi saya?

- Anda boleh membatalkan polisi anda pada bila-bila masa dengan memberi notis bertulis kepada kami; dan
- Kami juga boleh membatalkan polisi ini dengan memberi anda notis 7 hari secara bertulis melalui surat berdaftar kepada alamat anda yang terakhir.

8. Apakah yang saya perlu lakukan jika terdapat perubahan pada butiran peribadi saya?

Ia adalah penting yang anda memaklumkan kepada kami tentang sebarang perubahan dalam butiran perhubungan anda untuk memastikan bahawa semua surat-menyurat sampai kepada anda tepat pada masanya.

9. Di mana saya boleh mendapatkan maklumat lanjut?

Sekiranya anda memerlukan maklumat tambahan mengenai insurans pampasan pekerja, anda boleh menghubungi kami atau mana-mana cawangan kami.

Jika anda mempunyai sebarang pertanyaan, sila hubungi kami di:

Pacific & Orient Insurance Co. Berhad
Tingkat 11, Wisma Bumi Raya,
No. 10, Jalan Raja Laut,
50350 Kuala Lumpur.
Tel : 03-2698 5033
Faks : 03-2693 8145
E-mel : poi2u@pacific-orient.com

10. Lain-lain jenis perlindungan insurans pampasan pekerja yang boleh didapati:

- Insurans liabiliti majikan.

NOTA PENTING:

ANDA HARUS MEMBACA DAN MEMAHAMI POLISI INSURANS DAN BERBINCANG DENGAN EJEN ATAU MENGHUBUNGI TERUS SYARIKAT INSURANS UNTUK MAKLUMAT LANJUT.

Maklumat yang diberikan dalam lembaran pendedahan ini adalah penerangan ringkas untuk rujukan cepat dan mudah. Terma-terma dan syarat-syarat tepat yang diperlukan adalah terkandung dalam kontrak polisi.

Pacific & Orient Insurance Co. Berhad adalah dilesenkan di bawah Akta Perkhidmatan Kewangan 2013 dan dikawal oleh Bank Negara Malaysia.

Maklumat yang diberikan dalam lembaran pendedahan ini adalah sah pada 01.01.2021.